

1117 309

DISCOVERS
DES MISERES
de ce temps.
DEDIE'E AV DVC
DE BEAUFORT.



A PARIS,
Chez MICHEL METTAYER , Imprimeur ordinaire du
Roy , demeurant en l'Isle Nostre Dame sur le
Pont Marie , au Cigne ,
M. DC. XLIX.

DISCORDIA

DES MISÈRES

DE BEAUFORT

DISCOVRS DES miseres de ce temps.

DEDIEE AV DVC DE BEAUFORT.

SI depuis que le monde a pris commencement,
Le vice d'aage en aage auoit accroissement
Cinq mille ans sont passez que l'extreme malice
Eust surmonté le peuple, & tout ne fust que vice,
Mais puis que nous voyons les hommes en tous lieux
Viure l'un vertueux & l'autre vicieux,
Il nous faut confesser que le vice difforme
N'est pas victorieux, mais suit la mesme forme
Qu'il receut dès le iour que l'homme fust vestu
Ainsi que d'un habit, de vice & de vertu.

Ny mesme la vertu ne s'est point augmentée,
Si elle s'augmentoit sa force fust montée
Au plus haut période, & tout seroit icy
Vertueux & parfaite ce qui n'est pas ainsi.

Or comme il plaist aux loix, aux Princes & à l'aage.
Quelque fois la vertu abonde dauantage,
Le vice quelquefois, & l'un en se haussant
Va de son compagnon le credit rabaisant,
Puis il est rabaisé afin que leur puissance
Ne prenne entre le peuple vne entiere accroissance

Ainsi plaist au Seigneur de nous exercer,
Et entre bien & mal laisser l'homme habiter
Comme le Marinier qui conduit son voyage
Ores par le beau temps, ores par l'orage.

Vous, Reine, dont l'esprit se repaist quelquefois
De lire & d'escouter l'histoire des François,
Vous sçauiez, en voyant tant de faits memorables,
Que les siecles passez ne furent pas semblables
Vn tel Roy fut cruel, l'autre ne le fut pas:
L'ambition d'un tel causa mille debats:
Vn tel fut ignorant, l'autre prudent & sage,
L'autre n'eust point de cœur, l'autre trop de courage
„ Tels que furent les suiets:

„ Car les Rois sont tousiours des peuples les obiets:

Il faut donc dès ieunesse instruire bien vn Prince
Afin qu'avec prudence il tienne sa Prouince:
Il faut premierement qu'il ait deuant les yeux.

La crainte d'un seul Dieu qu'il soit deuotieux.
Vers l'Eglise approuuée, & que point il ne change
La foy de ses ayeulx pour en prendre vne estrange:

Ainsi que nous voyons instruire nostre Roy
qui par vostre vertu n'a point changé de Loy.

Ha! que diront la bas sous les tombes poudreuses
De tant de vaillans Rois les ames genereuses,
Que dira Pharamond, Clodion, & Clouis,
Nos Pepins, nos Martels, nos Charles, nos Louys:
Qui de leur propre sang à tous perils de guerre
Ont acquis à leur fils vne si belle terre?

Que

3

Que diront tant de Ducs & tant d'hommes guerriers,
 Qui sont morts d'une playe au combat les premiers,
 Et pour France ont souffert tant de labeurs extremes,
 La voyant aujour d'huy destruire par loy-mesmes?

Ils se repentiront d'auoir tant trauaillé,
 Assaillr, deffendu, guerroyé, battaillé
 Pour vn peuple mutin diuisé de courage,
 Qui perd d'en se ioyant vn si bel heritage:
 Heritage opulent, que toy peuple qui bois
 La Tamise, Albionne, & toy More qui vois
 Tomber le chariot du Soleil sur ta teste,
 Et toy race Gothique aux armes tousiours preste,
 Qui sens la froide bise en tes cheveux venter,
 Par armes n'auiez sceu ny froisser ny douter.

C'est grand cas que nos yeux sont si pleins d'une nuë,
 Qu'ils ne cognoissent pas nostre perte au nuë,
 Bien que les estrangers qui n'ont point d'amitié,
 A nostre nation en ont mesme pitié,
 Nous sommes accablez d'ignorance si forte,
 Et liez d'un sommeil si paresseux, de sorte
 Que nostre esprit ne sent le mal-heur qui nous poingt,
 Et voyant nostre mal nous ne le voyons point.
 Dés long-temps les escrits des antiques Prophetes,
 Les songes menaçans, les hydeuses Cometes,
 Auoient assez predict que l'an cinquante deux
 Rendrait de tous costez les François mal-heureux,
 Tuez, assassinez: mais pour n'estre pas sages
 Eoy n'auons adiousté à si diuins presages

Obstinez, aueuglez, ainsi le peuple Hebrieu
N'auoit point de creance aux Prophetes de Dieu:
Lequel ayant pitié du François qui fouruoie,
Comme Pere benin, du haut Ciel luy enuoye
Songes, & visions, & Prophetes, afin
Qu'il pleure, & se repente, & s'amende à la fin.

Le Ciel qui a pleuré tout le long de l'année,
Et Seine qui couroit d'une vague effrenée,
Et bestail, & Pasteurs, & maisons rauissoit,
De son mal-heur futur Paris aduertissoit,
Et sembloit que les eaux en leur rage profonde
Voulussent renouer vne autre fois le monde:
Cela nous predisoit que la terre & les Cieux
Menaçoient nostre chef d'un mal prodigieux.

O toy Historien, qui d'encre non menteuse
Escriras de ce temps l'histoire monstruense,
Raconte à nos enfans tout ce mal-heur fatal,
Afin qu'en te lisant ils pleurent nostre mal,
Et qu'ils prennent exemple aux pechez de leurs peres
De peur de ne tomber en pareilles miseres.

De quel front, de quel œil, ô siecles inconstans:
Pourront-ils regarder l'histoire de ce temps:
En lisant que l'honneur & le Sceptre de France
Qui depuis si long aage auoit pris accroissance
Par vne opinion nourrice des combas,
Comme vne grande roche est bronché contre bas

Ce monstre que j'ay dit, met la France en campagne
Mendiant le secours de Sauoye & d'Espagne,

Et de la nation qui prompt au tabourin
Boit le large Danube & les ondes du Rhin.

Ce monstre arme le fils contre son propre pere,
Le frere factieux s'arme contre son frere,
La sœur contre la sœur, & les cousins germains;
Au sang de leurs cousins veulent tremper leurs mains:
L'oncle hait son nepueu, le seruiteur son maistre:
La femme ne veut plus son mary recognoistre:
Les enfans, sans raison, disputent de la foy,
Et tout à l'abandon va sans ordre & sans loy.

L'artisan par ce monstre a laissé sa boutique,
Le Pasteur ses brebis, l'Aduocat la pratique,
Sa nef le Marinier, son trafic le Marchand,
Et par luy le preud'homme est devenu meschant
L'escolier se desbauche: & de sa faux tortuë
Le laboureur façonne vne dague pointuë:
Vne pique guerriere il fait de son rateau,
Et l'acier de son coulter il change en vn couteau.

Morte est l'autorité, chacun vit en sa guise:
Au vice desreiglé la licence est permise:
Le desir, l'auarice, & l'erreur incensé
Ont sans dessus dessous le Monde renuersé.

Ont fait des lieux sacrez vne horrible voirie,
Vne grange, vne estable, & vne porcherie,
Si bien que Dieu n'est seur en sa propre maison
Au Ciel est reuolée & iustice & raison,
Et en leur place hélas: regne le brigandage
Le harnois, la rancœur, le sang & le carnage.

218
315

Las: Madame en ce temps que le cruel orage
Menace les François d'un si piteux naufrage,
Que la gresle & la pluie, & la fureur des Cieux
Ont irrité la mer de vents seditieux,
Et que l'astre iumeau ne daigne plus reluire,
Prenez le gouvernail de ce pauvre navire:
Et malgré la tempeste, & le cruel effort
De la mer & des vents, conduisez-le à bon port.

La France à jointes mains vous en prie & reprie,
Las: qui sera bien tost & proye & mocquerie
Des Princes estrangers, s'il ne vous plaist en bref
Par vostre autorité appaiser son meschef.

F I N.

M. DC. XLIX.
AVEC PERMISSION